

爾

雅

匡

名

爾雅匡名序

凡言訓詁之學必求之爾雅矣雖然求之爾雅而不得其所以然之故但見其汎濫無厓俟吾未見熟於爾雅之必能通經也則又求之說文解字矣以說文解字言形與聲與義無不瞭然讀之者於訓詁當無不瞭然吾見讀說文解字而於經傳爾雅愈不能通鈕鍔不合觸處皆是淺人遂謂小學與治經爲二事然則從事小學將以何爲也夫訓詁者周官所謂轉注是也說文解字與經傳爾雅訓詁有不能同者由六書之有假借也經傳字多假借而爾雅仍之說文解字字無假借蓋六

書有義有音有形有義而後有音有音而後有形周官
屬瞽史諭書名聽聲音固有音韻之書矣爾雅者言義
之書也當漢時無不知三代之音者亦無不讀爾雅者
學士大夫又有蒼頡凡將訓纂諸篇爲字形之書童而
習之三者備矣三者旣備而說文解字何以作也許氏
以爲沿流不若討原乃取周官指事象形形聲會意列
部五百四十勑爲說形之書形在是而聲與義均在是
讀者見其形可以得其聲與義蓋自古小學之書義例
未有善於此者顧以形爲主則義必依形字有假借之
用則義不必依形此說文解字於經傳爾雅鉏鋤不合

觸處皆是之故雖然舍說文解字則未有能知假借者
經傳爾雅所假借有不知本字爲何字者求之許書而
徃徃在焉是非經無以知權其觸處鉏鋤者其毫末有
鉏鋤者也許書專言本字本義而其義之可以引申轉
徙佰異而同佰遠而近者抑同音而卽可相代者無不
可以書中求之然則謂說文爲綱謂爾雅方言釋名廣
雅諸書爲目可也然則其讀之也宜何如一日以說文
校說文何謂以說文校說文也說文解字中字多非許
舊則自爲鉏鋤卽以說文正之而後指事象形形聲會
意之說可明也二日以說文釋爾雅何謂以說文釋爾

雅也以說文之本字本義定爾雅之汜濫無厓渎者而後假借之說可明也五者明而轉注舉矣蓋爾雅不可改從說文猶說文之不可改從爾雅也顧爾雅字體文理之譌有當取古本及說文及它書相正者歸安嚴子九能述爾雅匡名廿卷博觀約取一一精畫蓋唯能窺見其大者故於網者較易易耳近日阮芸臺中丞爲爾雅校勘記不識見九能是書否也九能娛親雅言旣爲同學推許而是書復將出予故先以鄙說序之云

嘉慶八年正月金壇段玉裁書於姑蘇下津橋朝山墩之枝園

爾雅乃總釋羣經之書非小學家言也前漢諸儒無兼治五經者故班氏志菽文以石渠五經襍議附孝經後而爾雅次之此深得爾雅之旨者也凡爾雅所釋之文皆經典所有其不見經典者蓋後世逸之自張揖著廣雅多汎濫於經外而龔雅始列小學失作書之旨矣然則漢儒說經有古文有今文爾雅古文邪今文邪張揖謂爾雅周公所造仲尼所增子夏所益叔孫通所補梁文所攷子夏以前尚矣梁文不知何人若通之委蛇從時必不違見行之小篆而從前代之古文是爾雅固今文之學然班固曰古文讀應爾雅賈逵亦言古文尚書

與經傳爾雅詁訓相應則爾雅雖主今文亦不謬於古
文此所以爲經義之總匯而漢學之權輿也然而爾雅
之難讀卽在於此夫文字者六藝之本以偏傍爲之體
以詁訓爲之用爾雅主於詁訓若偏傍則非所及焉善
乎顏介之言曰今之經典皆非說文所明皆是許慎檢
以六文貫以部分使不得誤誤則覺之孔子存其義而
不論其文先儒尚得改文從意何況書寫流傳邪竊謂
爾雅亦然憑書寫流傳之本以定字體其不可也必矣
字體不定則字義亦不易明而後之儒者乃欲穿鑿而
爲之說偵詁甚巧吾友歸安嚴九能氏於此書治之有

年近著一書名曰爾雅匡名其言曰名文字也匡之爲言正也吾於爾雅爲之正其文字而已矣旨哉言乎是讀爾雅而得其要領者歟其正文字之道大要有三一曰證偏旁之離合二曰存古本之異同三曰糾俗刻之舛誤證偏旁之離合則以說文爲主說文字書之祖也字有形事聲意舍說文其奚從存古本之異同則以釋文爲主釋文於異字異義載之甚詳其稱樊光作某孫炎作某者它家之異於部者也其稱本亦作某者卽部本而傳寫互異者也其稱字亦作某者則專就字論雖書無此本而字有此體亦竝載之於六義之旨多資攷

證糾俗刻之舛誤則以石經爲主監本毛本承譌襲繆
幸開成石刻尚存可以參校是正崑山顧氏反以石經
爲非弟弗深攷耳九能合此三者以讀爾雅而爾雅之
文字正矣而其要尤在明通借之例蓋說文職在解字
分別部居一字祇有一義爾雅意在說經古時字少一
字或有數讀明乎通借之例則𩇛爲同類相從𩇛爲同
音相假可得而審也自李陽冰已來治說文者意爲增
竄多失其舊經傳所有而說文無者不皆俗體明乎通
借之例則𩇛爲流俗增加𩇛爲說文遺脫可得而究也
至若古本之與俗刻更非一致俗刻由於校勘之疏古

本異同則字有古今音有楚夏師讀相承遂致錯互明乎通借之例則侶異實同者可得而稽也是故明通借之例以正爾雅之文而六經之文皆正是不唯有功爾雅并有功六經也其它採摭羣言構會甄擇經疏史注有涉於此者悉舉而臚陳之俾互相證發不煩言而自解簡而當博而不支無臆說無虛詞爾雅得此洵爲善本景純元朗不得專美於前矣嘉慶辛未春二月德清徐養原序

爾雅匡名自序

僮時在塾讀書周易書詩論孟而外三禮三傳皆不能卒業於爾雅則僅知有此書名而已生年過二十始得注疏合刻之本讀之苦其文字多誤思有以是正之乃據釋文石經盡祛俗本之陋以爲得之矣反復久之知釋文所載諸家之異同尚多漏略而瑕瑜竝陳漫無折衷學者旣無以定一是之歸間有是非又往往不能合乎古予於是博稽載籍自漢訖宋凡有徵引此經錄而存之以備甄別復進而求之許祭酒說文解字之書以究其離合前輩之緒言同學之講說有可以餽益此經

者單詞片言戢香掌錄罔有遺佚歲在辛酉讀禮之暇
整比較語寫成彙本命之曰爾雅匡名名文字也匡之
爲言正也吾於爾雅爲之正其文字而已矣爾雅之文
字正而後可以治經爾雅者經之匯也治經而不治爾
雅如歟之無的也未有能通者也是以孔子之告魯哀
公曰爾雅以觀於古可以辨言矣辨言者治經之要道
也嘗攷漢儒之訓詁大半出於爾雅而毛詩之傳箋用
雅訓者尤多然而毛鄭所讀之爾雅視晉唐人之所讀
者蓋大不同矣吾讀毛詩傳箋往往有不見於爾雅而
循其形聲以求其義焯然知卽今本之某字者然而唐

人之爲義疏者忽焉而弗省則其假借貫通之故久已失其傳矣自宋以降小學日散爾雅一經久爲學者所不道是以說經之儒新義肌說日煩月滋脫略詁訓成書甚易書益多而經義益汨則不讀爾雅之弊也晦冥旣淡久而當復 本朝儒者務申古義 國初諸老開其端至乾隆中而特盛餘姚邵氏乃爲此經作正義義例精識解當較邢叔明之書過之不翅倍蓰惜其於文字之異同亦未能詳也吾是以作此書以備之初子寫定是書之時安居尚無恙越二年而蕭牆之釁起有同姓之親覬覦吾者利予有敬通孝標之累乘間生變以

訟相尋訟不直則怨愈甚欲甘心焉而門內之閨亦日以其甚值歲又大祲寢食不得安所生子既長大其趣尚出人意丙寅孟媼子一病幾不蘇則吾所生之長者爲之也吾以輕脆之軀爲無父之人無舅弟姊妹之助轉側於內外交虹之地不惜以身殉者忘其力之所不及而重去其鄉也隸於丙寅一蹶所望始絕精力消亡不能復振念徒死非先人之意而幼子遷生已半歲又不能無所屬望乃託諸德清蔡外兄買屋以居之遂於是冬安葬先考妣事既畢乃毀吾家以弛吾擔自茲以往偷息人世知復幾時修短不足計自甲子以後盡餘生

也昔者蘇文忠注易書論語攜之渡海元符三年六月之晦宿大海中幾不免公撫書而歎天苟未欲喪是也吾儕必濟已而果然古之人自信其學如此子書無益於世不敢援此例以自詡然處顛危之際已度付灰燼久矣今日者猶得從事於斯不可謂非小人之幸也繕寫既定乃自爲之序其詳別有例言與金壇段先生之序在可勿贅也

皇清嘉慶十三年歲在祝塵執徐夏六月歸安嚴元照書於餘不谿館時析居德清之弟三年也

爾雅所据各本

陸氏

德明

音義二卷

經典釋文康熙朝有通志堂刻

本乾隆朝餘姚盧學士

文弼

重爲校栞世稱抱經堂

本通志堂本雖有錯字乃係傳譌抱經本雖經校勘

讀者頗病其改易轉失本眞蘇州有藏葉石君

萬影

鈔宋本

卽通志堂之祖本

同人傳校予未得見鄞縣盧氏抱

經樓間有宋刻亦不可得也

開成石經

釋文所云本今作某者石經大半相合其

唐石殘闕而補刻者出明人王堯惠之手所据卽流

俗行本舛錯不足据顧氏金石文字記詆譏石經所

摘爾雅十七條其木謂之虞木誤作本祝州木祝誤作祝魚尾謂之丙尾上添一之字三條皆明刻也

邢氏

易

正義十卷

單行宋刻蘇州袁氏黃氏皆有藏

本壬戌年巡撫阮公

元

爲十三經校勘記曾向袁氏

借閱予時寓西湖居詒經精舍之第一樓因得粗校一過字體大半與石經同

陸氏

佃

新義二十卷

此書世少傳本故

四庫全書

無有同縣丁教授

杰

藏舊鈔本

先考半菴公於丙

辰年借錄一部經文字體半同石經閒有勝石經者數科

鄭氏樵

注三卷

汲古閣刻本多譌字未見舊刻

雪窗書院校栞單注本三卷 書院之名未詳審其雕

刻殆南宋本乃予之舊藏後贈武進臧在東鏞堂臧

爲重刻一本悉依原本文字亦與石經大致相同亦有勝

石經者

爾雅匡名例言

經文全錄字體悉遵釋文釋文所不出者用石經

釋文所偶舍人樊李諸家同異說文字林同異以及本
或作△字亦作△之類悉行甄錄辨其離合所載音
切異同不錄惟有本文之字必無此音實係字異而
陸氏不及詳覈者則錄而申明之

此書大旨以說文校爾雅而說文不載之字亦有本有
而傳寫佚脫者亦有雖不見於說文實出經師之手
斷難斥爲俗作者不可專据今本說文而遽改爾雅
也元照但云說文無此字而不敢直云當作△者意

取慎重不欲逞臆見耳有見於它書所引爲得其正者則明定之

唐人所引爾雅不見於釋文石經者未必盡確亦未必盡誣哀聚所見附錄卷末爲逸文一卷以資攷訂

書中所采各本異同至雪函書院本而止明人所刻單注本如吳元恭鍾人傑郎奎金本朝如王朝宸所刻皆佳而不備載者懼煩也今世通行注疏合刻者一明監本一汲古閣本文字繆舛不可枚舉今不載者亦懼煩也

此經自景純之後在兩宋唯陸佃鄭樵兩注尚有流傳

先儒著述說及此經者甚夥今所采錄諸家之說皆同時耆舊所好其在康熙朝唯武進臧先生琳一人而已又有著書專釋此經而不及采者兩家一則丹陽姜氏兆錫之參義一則仁和翟氏灝之補郭此二書者所言不能無誤元照不欲訾毀前修以自銜故寧從略焉

北宋以前諸書引爾雅另有目有異同者隨所見采擷著錄以評其是非至太平御覽而止惜所見之書皆非舊本必多展轉傳譌失其本真者此則限於聞見不暇盡心所望同志爲糾正之耳

此書於諸家之說固不敢襲爲己有亦有實自己出闡
合它人審其年月在元照之前則寧讓之其得自朋
好口授者亦不敢沒其姓氏

爾雅匡名引用諸家論說姓名

郭氏

璞

舍人樊光李巡孫炎注皆不傳傳者唯郭唐

陸氏

德明

作音義宋邢氏

焄

國朝邵氏作正義皆

本乎此

陸氏

德明

音義所引諸家文字音讀尚爲詳備然於

小學疏略其所決擇大半未允

邢氏

焄

所作正義十卷但鈔襲陸孔兩家之書成之

陸氏

佃

所作新義二十卷其注無足取其經文乃北

宋善本爲可据依

鄭氏

樵

所作注雖無精義較勝農師之書

顧氏

炎武
崑山

九經誤字一卷據唐石經以正監本之誤

獨無爾雅其於金石文字記列石經誤字爾雅得十七科皆屬誤糾其木謂之虞魚尾謂之丙二科真誤者乃明人所補刻非唐石也

臧氏

琳
武進

康熙間人說經最精人無知者近其元孫

鏞堂

爲編刻其書卅卷名經義雜記其校爾雅之語

今盡采之

惠氏

棟
元和

九經古義獨無爾雅予於臧在東鏞堂校

本錄得數條不知其所自來也

盧氏

文淵
餘姚

學士校某經典釋文別誤攷證兩冊今擇

而取之又生平所校刻各書其校語多有可采者

江氏

聲吳縣

所撰尚書入注自爲音疏以篆書付刻閒

有涉於爾雅者取之

王氏

鳴盛嘉定

所撰有尚書後案

錢氏

大昕嘉定

潛研堂文集有荅問一編說爾雅者一卷

又十駕齋養新錄亦有數條

戴氏

震休寧

東原文集有爾雅文字攷序知戴曾有是

書讀其序與予書大旨相若今不傳它所誤著尚多

亦采擷及之

程氏

瑤田歙縣

通藝錄中有改正釋畜牡羴牝殺記

段氏

玉裁
金壇

所著書不盡行世今所采者詩經小學說

文解字注

已刻者
兩卷

汲古閣說文訂

畢氏

沉
鎮洋

經訓堂所刻書中有山海經校本釋名疏

證二種有涉於爾雅

邵氏

晉涵
餘姚

所撰爾雅正義廿卷體大思精信非苟作

偶有舛錯摘而論之

錢氏

大昭
嘉定

其所著書之序例已刻閒有涉爾雅者取

之

錢

站
嘉定

釋地以下四篇

孫氏

星衍
陽湖

其問字堂文集荅江叔澐書有校爾雅數

條今取之

徐氏

養原
德清

所著書皆未寫定曾爲予點校娛親雅言

今取其說書成之後又爲訂正若干條

顧氏

廣圻
元和

壬戌年同寓西湖詒經精舍之第一樓得

之口授者

臧氏

籀堂
武進

有校本又有說著於盧學士經典釋文攷

證者

鈕氏

樹玉
吳縣

有說文新附攷一書

許氏

宗彥
德清

曾爲校點娛親雅言

南列國名

一 諸家姓名

三

爾雅匡名卷一

歸安嚴元照

爾雅卷上

釋文云爾字又作邇案說文

彳部

邇近也从

彳爾聲古通借作爾

釋文云雅字亦作疋案說文

疋足也古文以爲詩大疋字又

隹部

雅楚身也則疋爲

正文雅屬通借

唐石經此四字八分大書

釋詁第一

釋言第二

釋訓第三

釋親第四

石經有此目

釋詁第一

釋文云詁樊光李巡本作故案毛詩釋文

云郭注爾雅則作釋詁樊孫本皆爲釋故据此則漢

讀皆作故獨郭作詁案說文

言部

詁訓故言也从言古

聲詩曰告之詰言

今本作詩曰詰訓脫告之二字又誤言作訓据毛詩釋文云說文作

詰今

改正則詰爲正文故詰古今字

第當作弟說文弟

韋束之次弟也竹部無第字故說文弟一弟二字皆作弟而毛詩周南關雎詰訓傳第一正義曰說文云第次也字從竹弟豈唐本竹部有第字邪然弟不成字恐未可信

初哉首基肇祖元胎俶落權輿始也

釋文云哉亦作

栽案當作才說文才艸木之初也从丨上貫一將生枝葉一地也哉栽皆通假字又通作載哉栽載皆从戔戔从才故通用 肇當作屨說文

戶部屨始開也从

戶从聿又戈部肇上諱臣鉉等曰李舟切韻云擊也从

戈犀聲又支部肇擊也从支犀聲段氏玉裁曰玉篇支

部肇俗肇廣韻亦有肇無肇說文支部肇字係唐後

人妄增 祖通作徂詩小雅四月徂暑箋徂猶始也

釋文云胎本或作台案胎始皆从台聲故皆可訓

始又詩幽風殆及公子同歸傳殆始正義云釋詁云

胎今本始也說者皆以爲生之始然則胎殆今本誤誤殆始

據宋監義同故爲始也 釋文云俶字又作侏案牀

俗體凡俗體字母庸別其同異如侏字之類是也又

案俶亦通俶說文土部俶一曰始也从土叔聲

林丞天帝皇王后辟公侯君也 釋文云丞本又作蒸

諱廓宏溥介純夏幘旃墳嘏丕奕洪誕戎駿假京碩濯

訐宇穹壬路淫甫景廢壯豕簡劉販睦將業蓆大也

說文

雨部

霪雨止雲罷皃从雨郭聲臣鉉等曰今別作

廓非是

溥義與說文同又通普士虞禮嘉薦普淖

注普大也

介說文訓畫當作芥說文

大部

芥大也从

大介聲讀若葢經典相承用介

幘說文訓覆案幘

與臙通天官腊人臙胖注曰臙與大亦一也又云臙

又詁曰大二者同矣疏云臙又詁曰大者據爾雅釋

詁文又與荒通詩

唐風蟋蟀

好樂無荒又

大雅篤公劉

幽居允

荒又

周頌天作

大王荒之毛傳皆訓大下注引詩遂憮大

東今詩作荒是通用之徵

錢少詹

大昕

曰詩遵彼

汝墳大防也牂羊墳首大首也汾王之孫傳訓汾爲

大以汾墳同音有頌其首傳訓大首亦以頌墳同音

也賁鼓爲大鼓是賁本有大義元照案尚書疏

盤庚

引作賁

丕古通不釋文云丕字又作丕案丕俗體

奕唐石經作弈案說文弈乃博弈字在卅部訓大

者从介介隸變作大石經非奕又通亦詩

周頌噫嘻

亦服

爾耕箋亦大正義曰亦大釋詁文彼亦作奕音義同

又

豐年亦有高廩箋亦大也周語奕世載德漢樊安碑

郭仲奇碑武榮碑皆作亦世載德 洪正義曰洪範

漢書作鴻範

呂覽亦同

洪鴻古字通用元照案詩

小雅節南山

四牡項領傳項大也項从工聲古音亦如洪傳訓爲

大卽取此義正義乃曰以領已足項文不宜重故以

項爲大斯非其義 駿與峻浚俊皆从夂聲古通用

大學克明峻德注峻大也又峻命不易注峻大也正

義曰峻大也釋詁文爾雅峻字馬旁爲之與此同也

正義曰頤通作石漢書律歷志石大也 釋文云

許本又作盱案許盱字皆从亏聲詩

小雅斯干

君子攸芋

傳芋大也此亦許盱之異文芋亦亏聲也 穹通空

詩小雅在彼空谷傳空大也韓詩作穹谷 王通任

正義云詩仲氏任只傳任大也孔疏以爲釋詁文

甫當作誦說文言部誦大也从言甫聲讀若逋 壯說

文同又通樊說文大部樊駟大也从大壯聲 劉釋文

石經皆从竹詩小雅甫田倬彼甫田傳倬大也說文倬箸

卓聲詩曰倬彼雲漢釋文曰韓詩作劉云劉卓也於此則曰說

文云艸大也說文旣訓草大則字必不从竹此陸之

疎也玉篇艸部葍都角切韓詩劉彼甫田廣韻四劉

說文云艸大也本音到又三十葍大也廣韻無劉字

玉篇竹部劉豬効切捕具也又作罩則劉卽罩字與

大義了不相涉今邵氏正義改正从艸是也又案說文竹部無劉字艸部劉艸木倒从艸到聲又有莪字

云艸大也从艸致聲錢少詹曰二訓爲後人竄易元

照案玉篇

艸部

廣韻

六至

皆無莪字

販說文同

釋文

云睡本又作至又作胙案說文日部無睡字錢少詹曰封禪文爰周邳隆索隱引樊光說邳可見之大也則樊本作邳元照案本當作至經師遞增偏旁耳

席石經單疏本作席臧氏

鏞堂

曰說文席廣多也廣

多有大義席从庶省亦有大義元照案席正文席省

文

𨮒厖有也

此與釋言蒙荒奄也義互通厖蒙聲相近

詩

商頌長發

爲下國駿厖荀子

榮

引作駿蒙大戴禮

衛將軍文

子

引作恂蒙詩

抑風擊鼓

狐裘蒙戎左傳

僖

五狐裘尢茸是

其微也此注引詩遂𨮒大東毛作荒𨮒荒聲相近奄

有聲相近

正義云有本或作厚詩則無𨮒仕傳𨮒

厚也又爲下國駿厖傳厖厚也孔疏以爲釋詁文

迄臻極到赴來弔般格戾懷摧膺至也

類篇

三上言部

引

作訖說文彳部無迄字言部訖止也从言气

隸變省作乞

引

聲止至同義

詩淑慎爾止傳訓至又懷戾二字此既訓至下又訓止

又哀公問

愾乎天下注愾猶至也正義曰愾音近憩憩爲息息

是至之義故云愾猶至也元照案孔說非是愾本作

气

据說文氣卽今之餽字氣息之氣當作气

訖气皆从气聲故通用耳

臻到二訓說文同

弔當作通說文

彳部

通至也从彳

弔聲經典相承用弔

釋文云艘孫云古屆字

五經文字

云艘爾雅或作屆音戒至也

案說文

舟部艘船箸

今本誤著

不行也又

戶部

屆行不便也一曰極也二字通用大禹謨無遠弗屆

傳屆至也正義曰屆至也釋詁文

正義云屆通作戒商頌既戒既平傳

戒至也元照案詩正義曰言戒至者謂肅恭敬戒而至非訓戒爲至也徐養原曰疏說非也傳曰戒至

醜總假大也此訓詁之常例孔因戒至不見爾雅故謬爲此說

釋文云格字或作

格案說文彳部無格字格亦借用當作假說文

彳部假

至也从彳段聲又通作假說文人部假非真也一日至

也詩

大雅雲漢

昭假無贏傳假至正義曰假至釋詁文又

民昭假于下箋假至也正義曰假至釋詁文又

周頌噫嘻

既昭假爾正義曰假至釋詁文彼假作格音義同又

魯頌泮水

昭假烈祖傳假至也又

商頌元鳥

四海來假箋假至

也正義曰假至釋詁文彼作格音義同王制歸假于

祖禴注假至也正義曰釋詁文祭統公假于大廟注

假至也正義曰假至也釋詁文孔子閒居昭假遲遲

注假至也正義曰假至也釋詁文

如適之嫁徂逝往也

說文

彳部

迨徃也从彳且聲或从

彳作徂

正義云徂又省作且詩士曰既且毛傳且往也元照案毛傳無文邵誤以釋文爲之

逝說文同

賚貢錫畀予貺賜也

賚說文同正義云少牢饋食禮

來女孝孫注來讀曰釐釐賜也詩釐爾女士傳釐予

也孔疏引釋詁云釐予賜也元照案賚釐聲相近其

作來者賚之省文又詩

大雅江漢

釐爾圭瓚傳釐賜也正

義曰釐賜釋詁文尚書

立政

正義亦曰釐賜釋詁文

釋文云貢字或作贛盧學士

文昭

曰案說文贛从貝

贛省聲此又下作貢非也臧氏

琳

曰說文貢獻功也

贛賜也二字不同故子贛字賜今經典作子貢字之

省借耳漢石經論語子貢作贛論語釋文云子貢本

亦作贛禮記

檀弓下

釋文云子貢本亦作贛今唯禮記

中樂記祭義兩篇尚作子贛餘多爲後人改易矣邢

疏引爾貢苞茅不入爲證誤甚

子通與說文

與部

賜子也一勻爲與此與與同 釋文云貺本或作況

案說文貝部無貺字

儀若祥淑鮮省臧嘉令類緜穀攻穀介徽善也 正義

曰儀通作義詩

大雅文王

宣昭義問傳義善也元照案正

義曰義善釋詁文

正義云祥通作詳淮南

說林

六畜

生多耳目者不詳注詳善也元照案公羊傳

宣十

不

赦不詳

韓詩外傳六春秋繁露王道篇皆作祥

何氏云善用心曰詳蓋

祥詳譖字皆从羊故其義同而詳从言譖从言義尤

切近惠氏

棟

曰左傳

昭十一年

禋祥服子慎引公羊作詳

今公羊作侵羊者春秋繁露云羊之爲言猶祥與鄭

眾百官六禮辭亦云羊者祥也說文羊祥也攷工記

注羊善也疑古祥詳字皆省作羊 淑說文云清湛

也非此義當作倝說文倝善也从人叔聲詩曰令終

有倝一曰始也 鮮釋文云本或作誓沈云古斯字

郭音義云本或作𠄎非古斯字案字書誓先奚反亦

訓善元照案鮮與斯通其从言者係經師增益說文

言部 斯悲聲也从言斯省聲非其義也尠當从是作𠂔

與鮮通

臧說文同

正義曰臧與藏義同小雅中心藏之箋藏善也元照案藏說文

艸部新附字臣鉉等案漢書通用臧字从艸後人所加今攷毛詩釋文作臧監本注疏作藏亦係後人妄改非孔

令通靈盤庚弔由靈傳靈善也正義曰靈

善釋詁文

詩鄘風定

靈雨旣零箋靈善也

介當作

价說文

人部

休善也从人介聲詩曰价人維藩元照案

毛傳价善也正義曰价善釋詁文

說文

詁部 諱吉也

从諱从苜篆文从言作善隸省爲善

舒業順敘也舒業順敘緒也

敘通序

詩周頌閔 子子 繼序

思不忘傳序緒也正義曰釋詁文

怡懌悅欣衍喜愉豫愷康妩般樂也

說文口部台說也

从口吕聲又心部怡和也从心台聲

說文心部無懌

字見於新附云懌樂也从心睪聲經典通用釋元照

案下節懌釋並出自不當重當定作釋楚詞九辨有美

一人兮心不繹 悅說文新附亦無當作說說文言部

說說釋也从言兌 欣通訢說文言部訢樂也从言斤

聲又口部听笑兒从口斤聲亦相近 喜說文同又通

喜說文喜部喜說也从心从喜喜亦聲又通僖說文人部

僖樂也从人喜聲又通歡說文欠部歡卒喜也从欠从

喜說文古文 說文心部愉溥也从心兪聲論語曰私

喜喜作歡

說文心部愉溥也从心兪聲論語曰私

覲愉愉如也是愉之本義爲薄論語愉愉爲通借正

文當作念說文念忘也噀也从心余聲周書曰有疾

不念念喜也

愷通豈詩

小雅

孔燕豈

本亦作愷見釋文

弟

傳訓樂

康文選注

十

引作慊案說文

禾

稌今本

皮也从禾从米乘

今本作康誤乘隸變作康

聲或省作乘心部無

慊字

說文女部無媿字當作媿說文媿樂也从女

甚聲

又酉部醜酒樂也从酉尢聲

詩作湛又作耽皆通借字文選

注

九引作航案航俗字般尚書

無

正義文選注

一

引

皆作盤案盤俗槃字尚書般康今亦作盤說文般辟

也象舟之旋非此義當作昇說文昇喜樂兒从日弁

聲

悅懌愉釋賓協服也 見上 正義云賓通作嬪說文

嬪服也鄭注天官云故書嬪作賓

適遵率循由從自也適遵率循也 釋文云適孫云古

述字一切經音義十八又廿四兩引述循也甘誓正義云

述循釋詁文案釋言適述也說文述循也又見儀禮

牢饋食禮注又通術詩抑風日月報我不述傳箋皆訓循釋文

云本亦作術上喪禮注古又通聿詩大雅聿來胥宇

箋聿自也正義曰聿自釋詁文又抑正義云爾雅之

訓聿曰述也此指釋言亦為自也 說文彳部逵先道

也从辵率聲經典相承省作率又通帥禮記王制不帥

教者注帥循也正義曰爾雅釋詁文又會子問奉帥天

子注帥循也正義曰此釋詁文又文王世子武王帥而行

之注帥循也正義曰釋詁文又內則欽有帥注帥循也

正義曰釋詁文鄭注儀禮云古文帥皆作率說文

無由字偏旁有之乃冑之省文與此無涉漢書由字

皆作繇說文系部繇隨從也从系省聲又彳部遯行遯徑

也从彳繇聲

靖惟漢圖詢度咨諏究如慮謨猷肇基訪謀也靖通

靜堯典靜言庸違傳靜謀正義曰靜謀釋詁文釋

文云漠舍人云心之謀也元照案舍人本殆作慎說

文

心部

慎勉也又案詩

小雅巧言

聖人莫之傳莫謀也釋文

云又作漠同

詢說文言言部新附字案下文詢信也

據說文

心部

恂信心也从心旬聲則詢信字當作恂此

文亦當作恂

吞文選注

六引

作諮案諮俗字

正

義云如通作茹詩不可以茹來吞來茹箋俱訓度度

卽爲謀故釋言又云茹度也元照案說文

艸部

茹飮馬

也非此義

猷釋文音猶案猷卽猶字之別體不可

以爲音

釋文云基本或作謀案謀俗字

盧學士曰正文

諷究連文次則謨又次則猷

摩釋文究謨皆在猷摩下

典彝法則荆範矩庸恒律夏職秩常也柯憲荆範辟律

矩則法也

彝通夷詩

大雅皇矣

串夷載路傳夷常正義曰

夷常釋詁文又

瞻

靡有夷瘳傳夷常也正義曰釋詁

文彼夷作彝音義同書

顧

夷玉傳夷常也正義曰夷

常釋詁文案說文

糸部

彝宗廟常器也又

大部

夷平也彝

正文夷假借

說文

廌部

夔从廌从水从去恣今文省

荆从井隸變从开

釋文云範字或作范案當作

範說文

竹部

範法也从竹竹簡書也汜聲从艸者譌又

範从車範省聲義異

正義云矩說文作巨云規巨

也从工象手持之或从木矢作桀

說文

用部 稽用也

从用从乘又部膏用也从膏从自讀若庸是庸與膏

通 說文二部恆常也从心从舟在二之間隸變作恆

俗書从亘 說文巾部常下幫也从巾尚聲或从衣作

裳攷說文有一曰某也之例常爲下幫乃正訓必有
宥訓今佚之耳

辜辟戾臯也 辜說文同 辟疑通僻說文辛部僻臯也

从辛眚聲 釋文云臯古罪字秦始皇以其字似臯
字改從四非案

黃髮兒齒鮐背耆老齧也 釋文云兒本今皆作覲石

經作覲玉篇齒部文選注四引亦作覲案說文齒部覲老

人齒从齒兒聲 飴詩作台箋云台之言飴也 釋

文云齋本又作壽案此隸變小異耳毋庸別出石經

作壽

毛詩大雅行葦正義引作壽人也人字恐誤衍

允孚亶展諶誠亮詢信也展諶允慎亶誠也 允說文

同 正義云亶通作單小雅天保俾爾單厚傳單信也

文選注六引忱信也尚書正義大誥引忱誠也元照

案諶忱通用說文言部諶誠諦也从言甚聲詩曰天難

諶斯又心部忱誠也从心尤聲詩曰天命匪忱今詩大雅

明作天難忱斯傳忱信也正義曰忱信釋詁文又大雅

蕩天命匪諶傳諶誠也正義曰諶誠釋詁文 說文

無亮字臧氏

琳

曰釋詁亮信也亮導也亮右也左右

亮也四訓亮竝當作諒元照案亮信文選注屢引唯

北征賦注引作諒詩

何人斯

諒不我知箋諒信也又

風

舟

不諒人只傳諒信也內則請肄簡諒注諒信也祭

義易直子諒注諒信也皆取此義一切經音義

十七廿一

引作諒說文諒信也从言京聲又通涼詩

大雅職涼桑柔

善背箋涼信也正義曰涼信釋詁文

詢當作恂

見上

一切經音義

十六

引恂信也又通洵詩

擲風靜女

洵美且貽

箋洵信也釋文曰本亦作詢又

鄭風叔于田

洵美且仁箋

洵信也正義曰洵信釋詁文又

溱洵

訐且樂箋洵信

也釋文曰韓詩作恂正義曰洵信釋詁文又

陳風宛邱洵

有情兮傳洵信也正義曰洵信釋詁文

謔浪笑敖戲謔也

錢少詹曰說文無笑字

大徐增入竹部漢

書薛宣傳壹矣相樂師古曰矣古笑字也案矣亦不

知所从當卽芙薺之芙說文娛从女芙聲女子笑兒

莞爾之莞亦从艸明芙卽古笑字矣漢隸从竹从艸

之字皆省作艸後人徃徃相亂如箸作字當从竹而

反从艸芙語字當从艸而反从竹皆由隸省而譌也

隸書艸在上者或變爲兩點一畫故漢書或作矣亦

作矣此卽从艸之證李陽冰謂竹得風其體夭屈如

人之笑較之以竹鞭犬稍爲近理要皆肌造不足信
粵于爰曰也爰粵于也 正義云粵與越通盤庚越其

罔有黍稷釋文云本又作粵是也元照案大甲正義

越於釋詁文詩陳風東門之枌越以礮邁箋越於正義曰越

於釋詁文又周頌清廟對越在天箋越於正義曰越於釋

詁文徐氏養原云詩魏風園有桃子曰何其箋云曰於也正義云曰於釋詁文案于既訓於又訓曰

故曰亦訓於雖非爾雅成文而展轉相訓爾雅有此例故正義以爲釋詁文正義云曰通

作聿小雅弓角見覲曰消大雅抑曰喪厥國釋文引韓

詩皆作聿元照案說文曰詞也从口匕聲又欠部吹詮

詞也从欠曰聲詩曰吹求厥寧曰吹正文聿通假

爰粵于那都繇於也 正義云于通吁呂刑王曰吁釋

文云馬本作于墨子

尚賢

引作於

繇與猷通又作出

正義詳之

陸氏

佃

新義云於一名而兩讀盧學士

曰古人之於字訓不因音讀之異而區別元照案爾雅此例屢見今各就本文著之

故郃盍翕仇偶妃匹會合也

詩

小雅正月

洽比其鄰傳洽

合又

大雅板

民之洽矣傳洽合正義曰洽合釋詁文又

周頌載芟

以洽百禮箋洽合正義曰洽合釋詁文元照案

欲郃翕洽皆从合聲可展轉通借說文恰合也从人

合聲又

水部

洽霑也从水合聲

正義云通作恰說文

禘大合祭也禮記注

王制

禘合也又通協堯典協和萬

邦史記作合和萬國

仇又通速臧氏

琳

曰說文速

斂聚也从彡求聲虞書曰宥速屏功又曰怨匹曰速

詩

周南關雎

君子好速傳速匹也正義曰速匹釋詁文孫

炎云相求之匹詩本作速爾雅多作仇字異音義同

也又

大雅民勞

以爲民速傳速合也正義曰速合釋詁文

今爾雅作仇据孫氏注知孫本作速正義云偶與

耦通元照案耦正文偶通借妃說文同又通借作

配

仇讎敵妃知儀匹也

仇亦作速

見上

妃合會對也

詩正義

十九

引作配

妃媿也

詩大雅皇矣

天立厥配傳配媿也釋文云本亦作

妃正義云妃字音亦爲配釋詁云妃媿也某氏曰詩

云天立厥妃是毛讀配如妃故爲媿也

紹廟

嗣續纂綉績武係繼也

紹說文同

纂一切經

音義三引

七又十一又四十八

皆作績詩

幽風七月

載績武功傳績

繼正義曰績繼釋詁文又

大雅大明

績女維莘傳績繼也

正義曰績繼釋詁文又

崧高

王績之事箋績繼正義曰

績繼釋詁文

中庸績大王王季文王之業注績繼也

案說文

糸部績繼也

从糸贊聲纂非此義音近通借耳

係文選注一後

漢書

四十一

一切經音義

三十一

引皆作系案說文系續也

係字義異正義云通作繫

𣎵 𣎵 𣎵 𣎵 慎 貉 𣎵 顛 顛 密 寧 靜 也

釋文云𣎵本或作

氣案說文𣎵訓癡氣卽今餼字故从米義皆不合正

義云說文作癡云靜也从心疾聲 𣎵通志堂本釋

文作諡盧學士校栞本据宋本及石經改正从諡案

說文

言部

諡行之迹也从言兮皿闕又諡笑兒从言益

聲段氏

玉裁

曰五經文字諡諡二字音常利反上說

文下字林字林以諡爲笑聲音呼益反今用上字据

此則今本說文非原文矣元照案一切經音義

三十一曰

謚神至反說文云行之迹也从言益聲廣韻六曰謚

神至切易名又申也說文作謚又曰謚上同此依張本顧本

多此皆唐初人書可據以訂今本之譌 說文無螯

字 正義云溘通作伃說文伃靜也詩曰闕宮有伃

元照案溘謚伃伃古皆通用堯典惟刑之伃哉史

記五帝本紀作靜徐廣曰今文作謚詩周頌維天之命假以溘我

左傳襄七年引作伃廣韻七引作謚莊子齊物論以言其

老溘釋文云本亦作溘 正義云貉與莫通又通作

漠元照案詩大雅皇矣貉其德音傳貉靜也釋文曰本又

作貉孔本作貉其正義云左傳樂記韓詩貉皆作莫

正義云說文宓靜也从宀必聲今經傳通作宓

寧說文曰願詞也非此義當作寧說文宀部寧安也从

宀心在皿上安靜義相附

隕碩湮下降墜標齧落也 釋文云墜本又作隊類篇

七下石部引作礫案說文石部礫墜今作墮墮也从石豕聲又自

隊從高隊也从自豕聲墜係土部新附字 段氏玉

曰詩標有梅廣韵引字統云合作芟落也趙岐注孟

子曰芟零落也詩曰芟有梅漢書野有餓芟鄭氏曰

芟音蕞有梅之蕞案說文有受無芟受物落上下相

付也標擊也同部假借作芟俗元照案說文受从爪

从又讀若詩標有梅則毛詩作標趙引作芟蓋从三家本又案今本孟子經注芟作萃其傳譌已久并有改其音作孚者矣 釋文云藹字或作苓案說文曰凡艸曰零釋文引作苓木曰落霑雨零也零餘雨也藹大苦也苓卷耳也是正文作零零與霑通苓藹皆假借字又案詩鄘風定之方中靈雨旣零又鄭風零露漙兮傳箋皆訓零爲落

命令禱畛祈請謁誅誥告也 正義云禱通作釐漢書文帝紀祠官祝釐錢少詹曰說文禱禮吉也吉乃告之譌禱與畛祈連文畛爲致告祈爲求告禱爲禮告

皆告神之名元照案文帝紀注師古曰釐字本作禧
假借用耳賈誼傳受釐應劭曰釐音禧師古曰禧福
也借釐字爲之耳又案石經禧从衣誤 正義云眡
通作眡玉篇引埤蒼云眡告也禮記曰眡於鬼神

釋文云諄沈音粹郭音碎本作訊音信石經作訊案

詩陳風墓門歌以訊之訊予不顧傳訊告也正義曰訊告

釋詁文釋文曰本又作諄音信徐息悻反又小雅雨無正

莫肯用訊箋訊告也釋文曰音信徐息悻反告也又

音碎又大雅皇矣執訊連連釋文云音信言也字又作訊

卽訊之譌陸不能辨又作諄音同禮記王制以訊馘告釋文曰本

又作諛又

記學

多其評釋文曰字又作諛音信問也莊

子

山木

怵然而諛之釋文曰本又作評音信問也又

徐无

鬼

察士無凌諛之事釋文曰音信廣雅云問也又音

崇又音峻史記

賈誼傳

評曰已矣李奇曰評告也索隱

本作諛漢書亦作諛思元賦占水火而妄諛後漢書

張衡傳

作諛

章懷注引爾雅評告也

文選作評

李善注曰評息對切

幽通賦

既評爾以吉象李善注引爾雅評告也是諛評二文

通用已久難以訂定案說文評問也从言平聲諛讓

也从言卒聲國語曰諛申胥今國語作評 誥說文

同

永悠迴遠遐邊闊遠也永悠迴遠遐也 悠通筵說文

足部筵疾也長也从足攸聲舍人注悠行之遠也一切經音

義引迴說文同正義云詩洞酌彼行潦傳洞遠也正

義曰洞遠釋詁文元照案洞假借字 遐說文彳部

新附字臣鉉等曰或通用假字元照案說文訓假爲

至非此義當作瑕詩邶風不瑕有害傳瑕遠也又二

舟乘不瑕有害傳言二子之不遠害 釋文云邊說文

古逝字案說文逝古文作邊不可云古逝字又案詩

大雅瞻印舍爾介狄傳狄遠也正義曰毛讀狄爲逝故爲

遠也

虧壞圯坼毀也 釋文云虧字又作虧案說文

部虧从

亏虐聲或从兮 釋文云壞說文云敗也籀文作𠄎

圯說文同

戾雉引延順薦劉繹尸旅陳也 釋文云戾本作矢案

戾俗字自石經以後諸本無作戾者正義云矢本或

作肆詩大雅行葦或肆之筵傳肆陳也正義曰肆陳釋詁

文又周頌肆于時邁箋亦訓陳 錢少詹曰雉从矢

聲矢者陳也古文雉與夷通春秋傳五雉夷民者也

服虔云雉者夷也夷平也正義云雉聲近夷甘泉賦

列新雉於林薄服虔謂雉夷聲相近新雉即辛夷也

秋官雉氏注雉或爲夷釋文云雉一本作雉古音夷

如稊稊陳聲相轉春秋夷儀公羊作陳儀夷有陳義

故雉亦訓陳邵氏正義云器大記夷于牀注夷之言

尸也注喪禮雉卽爲夷夷訓爲尸尸者陳也是展轉

相訓元照案說文雉雉古文作𪔐又鳥鵙或作鵙

正義云引本或作淫春官大師帥瞽而廡作匱注

故書廡爲淫鄭司農云淫陳也元照案引淫音不相

近未可以臆定也說文艸薦獸之所食艸从薦从

艸又荐薦席也荐義較近之說文無劉字係誤脫

竹部水部偏旁有之其訓爲陳無可徵也惠氏棟

云周禮

秋官司儀

旅擯注旅讀爲鴻臚之臚臚陳之也士

冠禮旅占注古文旅作臚班固述贊曰大夫臚岱鄭

德云臚岱季氏旅於泰山是也顏監曰旅陳也臚亦

陳也臚旅聲相近元照案旅正文臚假借說文

臚部

皮也从肉盧聲籀文省作膚

說文

支部

臚削也从支

陳聲陳乃國名經典通以陳代臚

尸職主也尸冢也冢察官也

漢書注

刑法志

文選注

四

引采寮官也案冢說文宀部新附字當作采堯典疇

咨若子采馬云官也卽取此義爾雅詁訓相屬下文

績緒采業云云亦承此文

釋文云寮字又作僚一

切經音義

廿二

引作僚臯陶謨百僚師師傳云僚工

皆官也正義曰僚官釋詁文詩

大雅

及爾同僚傳僚

官也案說文無寮僚二字疑當从宀作寮

績緒采業服宜貫公事也 釋文云服本或作履同又

作般案履俗字般之訓事於經典亦無徵恐亦形涉

而譌

正義云公與功同穀梁傳

宣十

二年功事也元照

案詩

幽風

七月載績武功傳功事也正義曰功事釋詁文

永兼引延融綬長也 正義云兼通作養夏小正時有

養日時有養夜養長也 正義云延通作挺說文挺

木長也元照案又通挺說文

手部

挺長也从手延聲

釋文云駿或作俊又作峻案峻乃峻之省文皆从夂聲

喬嵩崇高也崇克也 說文山部新附云嵩从山从高

亦从松韋昭國語注云古通用崇字元照案此文嵩崇竝出嵩字疑非本文

犯奢慄毅剋捷功肩堪勝也 釋文云慄本今作果案

說文心部無慄字石經單疏本作果 剋釋文不出

今依石經俗字也當作克說文亭肩也俗又从寸作

尅尤非

下克也石經作克

釋文云堪字又作戡尚書正義

西伯戡黎引作戡案說文土部堪地突也義別戡刺也从

戈甚聲又通戠說文

戈部

戠殺也从戈今聲商書曰西

伯旣戠

今本誤黎

勝肩戠劉殺克也

戠釋文不出今依石經

說文

金部

錘殺也从金留聲無劉字

劉獮斬刺殺也

釋文云獮說文或作獮案說文

犬部獮

秋田也从犬璽聲或作祿

臺臺羸沒孟敦昂釗茂劭勦勉也

釋文云臺字或作

臺案二字皆不見於說文錢少詹曰臺卽費字其从

文者後人妄增石經及宋本易詩絕無作臺者廣韻

臺下重出臺字云俗此其證也周禮費字先鄭多讀

爲徽徽从微省微與尾古通用周官之媞卽說文之媞詩誰侑子美韓詩美作媞媞卽媞讀若媞與今讀異覺媞古今字微訓美同訓者必同音後人讀徽許歸切因讀覺爲許覲切失先鄭之旨矣古鍾鼎文眉壽字多作覺或作豐楊南仲謂覺眉古同文眉轉爲門詩鳧鷖在豐是也門又轉爲勉詩勉勉我王荀子引作疊疊是也晉書宋書凡嫌覺字皆作疊疊者覺之省隸變作疊只是一字而後人分而二之 釋文

云蠱本或作蠱說文曰蠱古蜜字案郭注曰蠱沒猶

龜勉正義云又轉爲密勿詩小雅十龜勉從事漢書

楚元王傳

引作密勿又

邶風

龜勉同心文選注引韓詩作

密勿同心傳云密勿龜勉也是皆聲之轉元照案說

文

占部

勿从占勿聲或从旻作𠄎是勿旻通用之徵

錢少詹謂洛誥女乃是不獲馬鄭皆訓勉說文無獲

字獲聲近孟當作孟邵氏正義王氏

鳴盛

尚書後案

江氏

聲

尚書人注皆用其說

釋文云敦本今作敦

案隸變小異耳石經作敦文選注一

引作惇

釋文

云茂字又作懋亦作忝案說文

心部

懋勉也从心楸聲

虞書曰時維懋哉或省作忝經典相承通用茂

釋

文云勗字本作儻又作甦案說文無勗儻二字當作

惓說文心部惓勉也从心面聲

鶩務昏瞽強也 說文支部彘彘也从支矛聲鶩務皆假

借字 釋文云瞽或作彘案昏瞽當作跋忞說文支部

跋彘从支民聲又心部忞彘也从心文聲周書曰在受

德忞讀若瞽今書作瞽或作彘者知是忞之誤也

說文弓部彘弓有力也从弓彘聲強乃蟲名釋蟲強斲

乃其本義經典互用

印吾台予朕身甫余言我也朕余躬身也 說文呂部躬

身也从身从呂或作躬从弓

台朕賚畀卜陽予也 賚通釐詩大雅釐爾女士傳釐

子也正義曰釋詁云釐子賜也 釋文云陽音賜又

如字本或作賜 兩賜字通志堂本皆誤作賜廬本依宋本正說見龍城札記 案此

一訓兼兩義者陽賜皆通 子通與洪範正義曰畀

與釋詁文 鄭樵注云樵疑此當言台朕陽予也謂

我也賚畀卜子也謂與也以二字同文故誤耳元照

案一訓兼兩義者爾雅屢見陸佃所云一名兩讀者

是也鄭之見遜於陸矣

肅延誘薦餞晉寅蓋進也 說文 芋部 芟進善也从芋久

聲又 厶部 惹相誡呼也从厶从芟或从言秀作誘或从

言盾作誦古文作芟 說文無餞字 釋文云晉本

又作晉案 𦉳隸變作晉 說文夕部 賁敬惕也从夕寅

聲易曰夕惕若賁經典相承用寅 釋文云蓋本又

作燼案燼俗字

羞餞迪烝進也 釋詁迪字凡三見訓進訓作訓道案

說文彡部 迪道也从彡由聲又彡部 袖行袖袖也从彡由

聲元照謂訓進訓作者當从彡作袖古書从彡从彡

之字皆通用今經典袖字久廢又案詩衛風碩人之

軸傳軸進也卽此異文軸亦由聲也

詔亮左右相道也 說文言言部無詔字大徐所補十九

字之一也 亮當作諒下同見亦作涼詩大雅涼彼

武王箋涼佐也釋文曰本亦作諒韓詩作亮韓詩今

文也故從俗 釋文云道本或作導下同石經單疏

皆作導華嚴經音義引詔導也一切經音義二又亦

引詔導也案說文寸部導引也从寸道聲

詔相道左右助勸也 詔道皆見上 說文無勸字陸

氏新義作勸案說文力部勸助也从力从非慮聲 尚

書正義益稷盤庚引作慮

亮介尚右也左右亮也 尚書正義畢命引亮佐也卽此

文案佐佑皆俗字

緝熙烈顯昭晡頰光也 晡从日俗从白 正義云頰

本亦作耿立政丕釐上帝之耿命正義云耿光釋詁
文

劼鞏堅篤擊虔膠固也 釋文云劼苦黠反郭苦八反

或作砧字案說文力部劼慎也从力吉聲周書曰汝劼

毖殷獻臣又石部砧石堅也从石吉聲則砧是正文劼

屬假借又案郭音苦八反則字从告不从吉釋言砧

鞏也釋文砧苦角反邢疏曰砧當從告說文別有砧

石堅也字異義同案說文砧石聲从石告聲苦角切

元照案砧訓石堅此文與鞏堅同訓則當从吉爲砧

不當从告釋文載郭音而不詳字體之異失之疎矣

五經文字 硃口八反又苦角反見爾雅 徐養原曰
苦八宜从吉苦角宜从告訓固訓羣竝宜从吉釋文
之音邢疏 說文二部 竺 今作厚 也从二竹聲又

之解竝非 部 管 也从音竹聲讀若篤經典相承用篤 擊說

文同

疇孰誰也 釋文云疇本又作臺臺字譌盧學士校改

爲畷 案說文田部 畷 耕治之田也从田象耕屈之形

或省作畷隸變作疇又口部 畷 誰也从口畷又聲畷古

文 畷又白部 畷 詞也从白畷聲畷與畷同虞書帝曰畷

畷据說文則此疇字當用口部之畷然畷畷字史記

作誰史公用孔氏古文以詁訓代經是畷畷二字殆

無庸過於區別

眈眈皇皇藐藐穆穆休嘉珍禕懿鑠美也 眈眈毛詩

正義

二十

引作往往

藐當作藐說文

心部

懋美也从

心須聲

禕釋文石經皆从示五經文字示部禕美

也音猗說文示部無禕字此字當从衣

說文在巾部衣巾偏旁通

用

陸氏新義曰禕其服之美是陸本从衣元照案禕

卽徽字詩

小雅角弓

君子有徽猷傳訓美又

大雅思齊

大姒嗣

徽音箋訓美正用此訓正義不知徽卽禕字故不云

釋詁文耳釋詁禕訓美徽訓善善美義同堯典慎徽

五典馬融訓善王肅訓美皆本釋詁文也攷禮記

大傳

殊徽號注曰徽或爲禕釋文釋器婦人之幃謂之禕

釋文曰本或作禕又作徽離騷忽緯繡其難遷廣成

頌徽繡霍奕此通用之徵 鑠文選注四十引作燦

案說文火部無燦字

諧輯協和也 說文龠部鑠樂龠今本和鑠也从龠皆聲虞

書曰八音克諧又穌調也从龠禾聲讀與和同今經

典相承庸諧和 輯文選注五十引作緝李善曰緝

與輯同 說文部協同心之和从彡从心協同思之

和从彡从心協衆之同和也从彡从十古文協作叶

人作叶

關關雝雝音聲和也

文選注

四又十五又十八

引作關關嚶

嚶又

八引雍雍和也又

十一引噤噤和也又

卅引邕邕

音聲和也又

一五十一

引邕邕和也元照案楊雄校獵賦

王雝關關鴻鴈嚶嚶二語皆本諸詩今詩雝雝鳴鴈

古本必有作嚶嚶鳴鴈者嚶雝聲相近

段氏

玉裁

云案說文邕四方有水自邕成

今本誤城

池者雝雝也

靡天子饗飲辟靡也雝隸變爲雍借爲雍和雍塞辟

雍而辟靡本字亦借爲和義又別製噤噤壅等字

總變和也

釋文云總本又作協

從申神加弼崇重也

殷悉卒泯忽滅罄空畢罄殲拔殄盡也 釋文云卒字

或作殄 泯說文水部新附字疑當作汶楚詞卜居

有汶汶字史記索隱音閔謚法閔亦作愍上文啓強

也釋文云啓或作旻此民文通假之證又案詩小雅

之石曷其沒矣傳沒盡也正義曰釋詁云泯盡也李巡

云泯沒之盡泯沒義同故沒爲盡也 說文缶部罄器

中空也从缶殷聲詩曰餅之罄矣又宀部窳空也从宀

至聲詩曰餅之窳矣是罄與窳通 畢當作數說文

支部數盡也从支畢聲 釋文云罄本或作愍案說文

缶部罄器中盡也从缶殷聲又心部愍今之也心部慇慇字

聲則从心者厥義殊矣郭注曰今江東呼厥極爲馨

監本作馨誤今从邵本

蓋已不辨馨慙之別矣 殄說文同詩

小雅

哀我填寡傳填盡釋文云韓詩作殄案殄殄皆

从殄聲偏旁通借又轉爲填填从眞聲亦相近也

苞蕪茂豐也

苞羣經音辯一引作包 釋文云蕪古

本作隸

釋文稱古本止此一見

盧學士曰隸字可疑似當依說

文作森形近遂譌元照案學士說是也說文

林部森豐

字誤當

也从林爽商書曰庶艸蕃森又

也森也

叕森聲蕃蕪字當作森有無字當作森

說文艸部森

聲叕

尚書今本作廡正義引爾雅亦作廡

毛詩正義十三

之一引 廡字尤非 後漢書注下四十引蕃蕪豐也 亦作廡

說文豐豆之豐滿者也从豆象形鄭氏儀禮注說豐

字謂從曲聲與說文不同說文亦無曲字元照案此

文豐字當从丰說文生部丰艸盛丰丰也从生上下達

也

拏斂屈收戢蒐哀鳩樓聚也 說文韋部韋收束也从韋

糞聲讀若曾或从要作糞或从𤇗手作拏詩幽風四

國是適箋適斂也正義曰釋詁云適斂聚也彼適作

拏音義同又商頌百祿是適傳適聚也說文手部摺

聲又拏束也从手秋 戢正義云通作輯書輯五瑞

聲詩曰百祿是拏

史記作揖元照案輯揖亦从聃聲故通用

說文

手部

按眾意一曰求也从手交聲詩曰束矢其攷案攷正

文通借作蒐

釋文云窆古字作窆本或作桴

盧本改桴

案說文無窆字窆義亦不合臧氏

琳

曰桴傳譌當作

桴說文

手部

桴引聚

今本作取從玉篇所引

也从手孚聲詩曰原

隰桴矣

大徐本脫依繫傳補玉篇引說文亦有

臧氏

鑰堂曰詩

大雅隰桴

之隰隰箋桴桴也築牆者桴聚壤土釋文作桴引爾

雅云聚也元照案說文桴或从包作抱俗讀抱爲薄

報反故譌而爲褒 釋文云鳩說文作句正義云句

通作鳩堯典方鳩倂功史記作宥聚布功又通作迷

說文速斂聚也引書旁速倂功 釋文云樓从手本

或作樓非案石經單疏皆作樓說文手部樓曳聚也从

手婁聲六朝俗書手木易溷又通作婁正義云詩小雅

弓式居婁驕箋婁斂也疏引釋詁云婁斂聚也徐養原曰

士喪禮牛中旁寸鄭注半讀爲樓賈疏云義取樓斂狹少之意案亦當从手

肅齊遄速亟屢數迅疾也 齊當作齋離騷反信譏而

齋怒王逸曰齋疾也說文火部齋炊舖疾也从火齊聲

正義云速通作邀案邀籀文速元是一字不可言

通 正義云亟通恆說文恆疾也从心亟聲 正義

云屢當作婁釋言婁亟也元照案屢係說文新附字

釋文此作屢釋言作婁石經皆作屢 速迅說文同

遑駿肅亟遑速也 釋文云遑本或作遑盧本改案說

文止部遑疾也从止从又又手也中聲又案六部遑居

之速也从宀遑聲 正義云駿又通遑邢疏引禮記

大遑奔走注遑疾也詩駿奔在廟元照案說文久

交行交交也从夕允聲駿遑皆从交聲也 釋文云

亟字又作苟通志堂本作急同經典亦作棘案說文

苟自急救也从苜省从包省从口古文作苟敬字从

此棘急通用見釋言

壑阮阮滕徵隍濂虛也 釋文云壑本或作窾案說文

部 叡溝也从叡从谷讀若郝或从土作壑又叡坑也

从叡从井井亦聲元照疑此文當作叡

郊特牲水歸于壑注壑猶

坑也

鄭樵注云阮有二文無義其一爲衍者耳臧氏

琳曰經傳不見阮阮之語廣韻十二庚阮字下引爾

雅曰虛也

類篇四下阮部壑字下引阮虛也

郭璞云阮壑也引經注

阮字不重則鄭謂衍者是也又說文

水部

沆莽沆大水

也从水亢聲一曰大澤兒是作沆有大義大者多虛

或其一作沆 釋文云漣字又作歎方言作窳郭云

本或作荒案詩

大雅召旻

我居圉卒荒箋荒虛也正義曰

荒虛釋詁文某氏曰周禮云野荒民散則削之唯某

氏之本有荒字耳諸家爾雅則無之元照又案說文

水部漵水虛也从水康聲又欠部歛飢虛也从欠康聲又

宀部康屋康寘也从宀康聲又禾部稊虛無食也从禾荒

聲孔氏謂諸家無荒字蓋未審荒卽漵之異文耳

漵亦通康詩大雅賓之初筵酌彼康爵箋康虛也此亦一

訓兼兩義者

黎庶烝多醜師旅眾也洋觀哀眾邾多也一切經音

義七又引作蒸 裒當作桴見上釋文云刊本或作

笄案說文多部無笄字一切經音義九又引洋溘

也

流差東擇也

說文

林部

榭从林从流篆文从水作流經

典相承用篆文

東文選注

三又六又九又二十又廿一又廿四又三十六

又三十七引皆作簡詩

邶風

簡兮簡兮箋簡擇案說文

東部

東分別簡之也从東从儿則東簡可通用

戰慄震驚難竦恐懼也

慄俗字古作栗

竦文選

注

五十五

引作聳左傳

昭六年

聳之以行杜預曰聳懼也

正義曰釋詁文也彼作竦音義同案說文

心部

慄懼也

从心雙省聲春秋傳曰駟氏慄

今本作聳

又慄懼也从心

從聲讀若竦

今本誤慄

聳竦音同竦又訓敬義亦相附故

皆通用

懼通疊詩

周頌時邁

莫不震疊傳疊懼正義曰

釋詁文彼疊作憎音義同案說文憎讀若疊

痛痞虺積

廟諱

黃劬勞咎頽瘞痲黧癩癰瘰癧瘰癧瘰癧瘰癧

逐疢痲瘥痲瘡瘡瘡病也

釋文云痛痞詩作鋪屠

案詩

大雅江漢

淮夷來鋪傳鋪病也正義曰鋪病釋詁文

彼鋪作痛音義同

正義云虺毛詩釋文云說文作

瘦案釋文於瘡字下別出瘦字爲之作音又云今經

注無此字意爾雅舊本必有作瘦積者陸旣定作虺

字復別見瘦字於後偶失檢也元照案毛詩釋文曰

虺說文作瘦積說文作積所謂說文作某者必許君

所引與當時本異始引以爲證今說文於疒部禿部

竝未嘗引我馬虺隤陸但以虺瘦音近聊復云然耳
至隤隤二文音義竝同皆見於說文又何以知說文
之不从自乎 勛說文力部新附字 釋文云頓字

或作倅案又通痺詩

小雅雨無正

憺憺日痺傳痺病也又

維躬是痺箋痺病也又

四月

盡痺以仕箋痺病也釋文

曰本又作萃下篇同又

大雅瞻印

邦國殄瘁傳瘁病也正

義曰瘁病釋詁文案說文尸部無瘁字

釋文云瘡

字亦作勲案勲卽勤之俗體

錢少詹曰戮當爲瘳

集韻瘳有戮音瘳者病之瘳也元照案戮瘳皆从瘳
聲故通借瘳之訓病與瘳瘥一例 釋文云瘋詩作

鼠案說文無癩字 釋文云癩郭作拘擧案此言郭

本作攀也文選注十一一切經音義十一引作攀說文

部無癩字錢少詹曰當作癩癩者瘦之病也詩棘人

癩癩兮說文引作癩癩 說文無癩字當作惺說文

部惺喘也从心里聲一曰病也毛詩省作里 釋文

云疵本作疲正義曰疵通祇又詩小雅何人斯俾我祇也

傳祇病也徐養原曰桑柔多我觀瘠箋云瘠病也案

作瘠亦通昏本从氏省無將大車與塵叶是 逐邢

疏云 說文無疾字當作宐說文宐宐貧病也从

宐久聲詩曰熒熒在宐 說文無痲字 正義云痲

通腓詩小雅四月百卉具腓傳腓病也案痲正文腓通借

說文無瘡字當作瘡說文瘡勞病也从疒單聲詩大

板下民卒瘡傳瘡病也正義曰瘡病釋詁文釋文作

瘡云本又作瘡沈本作瘡說文無瘡字臧氏琳曰

公羊傳莊二大災者何大瘡也釋文瘡本或作瘡一

本作漬鄭注禮記曲禮高誘注呂覽貴公引公羊皆作

漬是古本也痛瘡瘡疰瘡瘡瘡瘡瘡說文同

恙寫惺盱繇慘恤懼憂也正義曰惺通愁說文楚頴

之閒謂惺曰愁从心𠂔聲元照案又省作里詩大雅

云如何里箋里憂也正義曰釋詁文彼里作惺音義雲漢

同 釋文云盱本或作忤案說文心部忤息也从心忤

聲讀若吁詩周南卷耳云何吁矣傳吁憂也 正義云慘

當作慄說文慄愁不安也元照案當作慄說文慄痛

也从心替聲慘毒也从心參聲義別音同 正義云

恤說文作卹憂也元照案說文血部卹息也从血卹聲

又心部恤息也收也从心血聲則說文非無恤字 罹

俗字左傳正義廿三引作離案詩王風兔爰逢此百罹傳罹

憂也釋文曰本又作離又小雅斯干無父母詒罹傳罹憂

也釋文曰本又作離又小雅我獨于罹釋文曰罹本作

離又四月亂離瘼矣傳離憂也 憂當作息說文心部息

慙也从心从頁又久部憂行之和也从久息聲詩曰布

政憂憂經典相承以優代憂以憂代息而息字遂廢

倫勤邛敕勤愉庸暉勞也 釋文云勤字或作勑通志堂本

誤作勑盧本 亦作肄案說文力部勑勞也从力賁聲詩

曰莫知我勑又案詩邶風旣詒我肄傳肄勞也正義

曰釋詁文爾雅或作勑孫炎曰習事之勞也据此則

孫本作肄肄係通借字勑係譌體 釋文云敕本又

作飭元照案當作勑說文力部勑勞也从力來聲後人

誤讀恥力反與敕同音又因形近遂相承通用敕飭

音同故又譌爲飭 郭注云愉今字或作窳案一切

經音義七引

九又十又十一又十四又十五又十七又十九

皆作窳

釋文

云瘳本或作憚案詩

小雅

哀我憚人傳憚勞也正義

曰憚勞釋詁文又

小雅

憚我不暇傳憚勞也又

大雅我

心憚暑傳憚勞也正義曰憚勞釋詁文瘳正文憚通

借

勞來強事謂翦篲勤也

釋文云來本又作勅本或作

賚案勅賚皆從來聲故通用又案此與上文相承可

證上敕字之譌

強當作彊

見前

說文刀部有勑字

从刀𠂔聲羽部有翮字从羽𠂔聲音同義異隸變皆

溷而爲翦爾雅之翦於刀部羽部未知何屬

釋文

云箒本又作彗

徐氏養原曰大戴禮五帝德幼而彗齊又史記彗作徇黎氏訓徇為疾疾

有勤意當卽爾雅之箒也

悠傷憂思也

釋文云傷字書作傷案說文

心傷息也

从心殤省聲經典相承以傷代傷

憂當作息

見上

懷惟慮願念怒思也

怒通懈

詩召南汝墳

怒如調飢釋文

曰韓詩作懈案說文

心

懈息兒从心弱聲讀與怒同

祿社履戠祓禱祓祿祓福也

郭注引詩祓祿康矣毛詩

作弗傳弗小也箋弗福也箋義卽取諸此弗祓古今

字也郭所据蓋三家本弗與芾通芾小釋言文孔疏

以得箋皆無正訓殆於雅訓未之審也

禱與釐通

前見

禋祀祠蒸嘗禴祭也 釋文云嘗字又作常案常假借

字 釋文云禴字又作禴案說文有禴無禴

儼恪祇翼謹恭欽寅煖敬也 儼通嚴詩商頌有嚴有

翼傳嚴敬也正義曰嚴敬釋詁文 說文心部窻敬也

从心客聲春秋傳曰以備陳三窻臣鉉等曰今俗作

恪 祇說文同 釋文通志堂本 說文忝部翹勗進翹

如也从忝翼聲經典相承用翼 謹左傳正義六引

作禋詩大雅克禋克祀傳禋敬也正義曰釋詁云禋

祭也則禋是祭之名又云謹敬也義得相通故以禋

爲敬也元照案說文言部無諱字 漢書以龔代恭

案當作龔說文_十部龔慤也从十龍聲 寅當作資_見

文選注_卅六引作資 說文_心部難敬也从心難聲楚茨

詩作煠者古字假借

朝旦夙晨峻早也 說文_夕部夙早敬以夙持事雖夕不

休早敬者也臣鉉等曰今俗書作夙譌古文作偁又

作偁 晨乃屨之或體非此義當作晨說文晨早昧

爽也从日从辰辰時也夙夕爲夙曰辰爲晨其意相

同 峻說文日部新附字錢少詹曰書夙夜浚明有

家史記作蚤夜翊明有家則浚與翊義同釋言翌明

也則浚亦有明義駿卽浚之異文 早經典或借用

蚤字

頤 埃替戾底止 俟待也 頤說文同經典相承用須尚

書正義

臯陶謨

引作須

釋文云埃字又作俟亦作𠄎

毛詩正義

齊風

引作俟 一切經音義五引

四又十五又十六又十七

又卅九

皆作俟案說文

立部

埃待也从立矣聲或从巳作

𠄎其作𠄎者乃𠄎之譌俟乃通借字說文

人部

俟大也

經典相承用俟

釋文云底之視反字宜从厂或作

底非也底音丁禮反石經亦从厂案說文

广部

底山居

也一曰下也从广氏聲又

广部

底柔石也从厂氏聲或

从石作砥此與釋言底致也皆當从广陸以今音區
別字體甚誤 徯說文同

嚙幾裁殆危也 嚙說文同

畿汽也 左傳正義昭廿年引作汽幾也詩大雅民勞汽可小

康傳汽危也箋汽幾也皆用雅訓箋申傳非易傳也

說文豈部畿類也訖事之樂也从豈幾聲臣鉉等曰

說文無畿字从幾从气義亦無取當是訖字之譌

汽水選注卅四引作迄案迄說文彳部新附字 气隸

變作气經典承用已久獨此汽字偏旁釋文石經皆

作气

治肆古故也肆故今也 鄭樵注云治疑爲始錢少詹

曰古文治與始通尚書在治忽史記夏本紀作來始滑

漢書

律歷志

作七始詠是治卽始字始者故也徐氏養原曰般

康序疏束皙云尚書序般康五遷將治毫般孔子壁中尚書云將始宅般治卽始字又一證也孔氏謂安國古文治皆作亂其字與始不類無緣誤作始字豈其然 正義云詩大雅肆不

殄厥愠傳肆故今也又抑肆皇天弗尚箋肆故今也

元照案大明詩肆伐大商箋肆故今也 俱以故今連文元照案郭意肆

訓今故亦訓今其讀乖於師法

惇亶祐篤擊仍臍埤竺腹厚也 釋文云惇字又作惇

緣變 正義云惇通作敦元照案惇說文訓厚敦義異

亶通儼詩

大雅桑柔

逢天儼怒傳儼厚也正義曰儼亶

音相近義亦同釋文曰本亦作亶又通單詩

周頌昊天有成

命

單厥心傳單厚

篤當作簣

見前

仍釋文云本或

作扔案當作訖說文

言部

訖厚也从言乃聲仍扔二字

說文皆訓因

胝釋文云本或作脾案說文臄或作

胝詩

小雅采菽

福祿臄之傳臄厚也釋文云韓詩作胝胝

脾音相同耳又通舐詩

小雅節南山

天子是舐傳舐厚也

釋文曰王作埤

竺釋文云字又作篤案篤係假借

字

見前

鄭樵本誤作竺其注曰古文工與馬同其言妄

矣腹說文同

說文

五下

臄厚也从反高又厚山陵

之厚也从𠩺从厂厚薄字當作𠩺其字久廢厚之隸變爲厚

載謨食詐僞也

此亦一訓兼兩義者僞與爲通

詳正義

話猷載行訛言也

此亦一訓兼兩義者

猷釋文云

字亦從才

訛釋文云字又作吡亦作譌案說文

言部

譌譌言也从言爲聲詩曰民之譌言吡字訓動非此義言部無訛字譌之作訛猶古貨字作贖

說文貝部

俗花字之作蘄也

邁逢遇也

說文同

邁逢遇選也

選釋文云字又作迕案說文

午部

悟逆也

从午吾聲。悟與選通。迂俗字。

漢書注

叙傳下

引鄧展

云爾雅曰寤逢遇也。元照案寤卽選字。又通晤詩。

陳風

東門之池可與晤歌傳晤遇也。

列女傳賢明引可與晤言皆作寤凡兩見

卽本

此訓正義不知晤選同字故不云釋詁文。

邶風柏舟寤辟有標

說文日部引作晤辟

邁逢遇選見也。

詩

召南草蟲

亦旣覲止傳覲遇又

幽風伐柯

我

覲之子箋覲見也。正義曰覲見釋詁文。又

小雅裳裳者華

我

覲之子箋覲見也。又

車輦

鮮我覲爾箋覲見也。又

大雅篤公

乃覲于京傳覲見也。正義曰覲見釋詁文。又

抑莫

予云覲傳覲見也。正義曰覲見釋詁文。

左傳正義廿六云爾雅訓

覲爲 元照案說文見部覲見也从見莠聲

顯昭覲釗覲見也

覲說文見部新附字

心部愉字下引論語私覲

亦係傳譌疑古作賣說文

貝部賣衍也从貝裔聲裔古文睦

讀若育

與買賣字从出从買者別

監瞻臨泣覲相視也

監釋文云字又作瞻案說文

監臨下也从臥眇省聲又目部監視也从目監聲則監

義更切 泣當作隸案說文立部隸臨也从立隸聲經

典相承作泣或作莅皆俗體 覲俗本誤一切經音

義二引作眺

鞠訥溢盈也

臧氏

鑪堂

曰詩小雅節南山

降此鞠訥傳曰

鞠盈訥訟也知訥不詰盈也殆因郭注引降此鞠訥
正文因而衍訥字耳 鞠字誤辨見釋言

孔魄哉延虛無之言閒也

瘞幽隱匿蔽竄微也

訖徽妥懷安按替戾底底尼定曷遏止也 訖說文同

說文無妥字 釋文云底丁禮反底之視反石經

上作底下作底

底字上半殘剝未知有、否

元照案說文部底山

居也一曰下也从广氏聲又部底柔石也从厂氏聲

或从石作砥广厂兩部無从氏之字釋文之底石經

之底皆譌體 左傳昭廿九年物乃坻伏杜預曰坻止也

正義曰釋詁文也元照案說文

土部

坻小渚也詩曰宛

在水中坻从土氏聲非此義當作坻說文坻箸也从

土氏聲箸與止義同底下一字乃坻之譌

底下一字俗本作廢

九誤

豫射厭也

射釋文云字又作斲案說文

支部

斲解也从

支睪聲詩云服之無斲斲獸也一曰終也攷葛覃傳

曰斲厭也正義曰斲厭釋詁文彼斲作射音義同又

魯頌

思無斲箋斲厭也正義曰斲厭釋詁文又案禮

記

引葛覃詩作射周頌

振

在此無斲禮記

中庸引亦

作射斲射古今字也 厭石經單疏本皆作獸案說

文部獸飽也从曰从狀或从弓作獸獸訓竿與獸義

異當從石經釋文於毛詩葛覃傳作獸云本亦作厭

不能定所從也 惠氏棟曰古豫序同字而豫又讀

爲榭榭古作射是豫卽射也故同訓豫本訓樂厭樂

之極也 錢少詹曰豫與射古文通鄉射禮豫則鉤

楹內注豫讀如成周宣榭災之榭今文豫爲序孟子

序者射也序之名取於習射古文或爲豫亦讀如榭

說文無榭字則臺榭字亦當爲射蓋因習射以得名

也詩于邑于謝潛夫論引作序則序與謝亦通矣豫

射文殊而義同故同訓獸也釋言豫敘也郭注亦未

了若知豫爲序之古文皆从予得聲則豫之爲敘昭然察矣

烈績業也績勲功也

烈文選注廿六引作列

功績質登平明考就成也

桔梗較頰庭道直也

桔通覺詩大雅抑

有覺德行傳覺

直也正義曰釋詁云桔較直也與覺字異音同禮記

緇引詩作桔

說文無較字當作較

正義云頰通

作挺左傳

襄五年

周道挺挺杜云挺挺正直也又通作

挺禮記

曲禮下

鮮魚曰挺祭注挺直也元照案頰挺皆

从廷聲說文囟部無挺字

密康靜也

密當作宓

見前

豫寧綏康柔安也

寧當作寧

見前

平均夷弟易也

正義云說文

彳部彳行平易也从彳夷

聲

弟左傳正義

十引作悌

矢弛也

臧氏

琳

曰說文

弓部

弛弓解也从弓从也

又部

施旗兒从於也聲齊樂施字子旗知施者旗也徐鍇

曰旗之透迤一日設也凡延及陳設義當作施凡廢

解義當作弛古書既互通俗人又多亂之詩

大雅

矢

其文德傳矢施也釋文云施爾雅作弛正義云矢施

也謂施陳文德定本作弛字非也禮記

孔子

詩云弛

其文德注弛施也釋文云弛其皇作施又云弛施也
皇本作施布也据此知爾雅禮記作弛皆施之通借
當從詩傳作施禮記注弛施也此非訓弛爲施言弛
爲施之假借也郭注訓放失其旨矣

弛易也

釋文云弛易施李音尸紙反下音亦顧謝本

弛作施并易皆以鼓反元照案詩

大雅皇矣

施于孫子箋

施猶易也延也又禮記

孔子居

施及四海注施易也則

顧謝本是也假借作弛耳

希寡鮮罕也鮮寡也

說文

禾部

稀疏也从禾希聲徐鍇

曰說文無希字當言从爻从巾無聲蒼略皆當从稀

省元照案口部啞从口稀省聲此許氏元文 罕从

网凡从网者隸變皆作囧獨罕字从宀 鮮文選注

十引作𡗗乃𡗗之譌體通借作鮮說文是部𡗗是少也

𡗗俱存也从是少賈侍中說

酬酢侑報也 酬一切經音義入部引作醕案說文酉部醕

从酉鬲聲或从州作酬醕卽醕之隸變 酢當作醋

說文酉部醕客酌主人也从酉管聲又醕醕也从酉亾

聲二字聲同故醕亦作酢儀禮注曰古文醕作酢後

人竟互易之 侑釋文云本或作宥案說文人部無

侑字据左傳僖廿五年王饗醴命之宥則作宥可也然說

文訓宥爲寬則亦非本義周官大享右祭祀鄭君讀
右是古文作右也

毗劉暴樂也 毗釋文云樊光本作庇云蔭也正義曰

說文云毗緣廢也樊本作庇訓蔭與暴樂之義無涉
作毗是也元照案庇毗皆从比聲樊本作庇訓蔭與
暴樂之義正合古訓與後之循文解義者不同說文
訓毗爲人臍肉部邵所引亦誤 釋文云暴樂本又作

爆爍毛詩正義大雅引作爆爍案爍說文火部新附

字 說文日部暴晞也从日从出从竹从米與彊暴字

从夆者別今俗作曝 樂本禮樂字此當作落桑柔

釋文

樂本又作
樂或作落

覲髮弗離也

說文

見部

類篇

彭部

引皆作弗

蠱諛貳疑也

諛釋文云字

或作惛

案說文言部無諛

字郭注引左傳天道不諛

哀十七年

彼釋文云本又作滔

盧學士曰釋文諛沈勅檢反是沈本作諛从音則

不得讀勅檢反矣元照案諛無疑義魏晉人不辨音

旨之分故誤音勅檢反陸氏不爲之申明異同殊失

之疎

楨翰儀榦也

楨左傳正義

廿五引

作榦其引舍人注亦

作榦案榦字恐譌

正義云儀說文作榦云榦也从

木義聲 榦釋文云本又作幹又作翰案幹俗榦字作翰則與上複出

弼斐輔比備也 正義云弼通作卽說文云卽輔信也

从卩比聲虞書曰卽成五服又通作佛周頌敬佛時

仔肩箋佛輔也孔疏云鄭讀爲輔弼之弼 比通毗

詩小雅節南山天子是毗箋毗輔也 詩唐風杜胡不比焉

箋比輔也正義曰比輔釋詁文彼輔作備

壇界邊衛圍垂也 壇釋文云字又作臺經典作疆假

借字案說文囿部臺畛也从畱三其畛畫也或从弓从

土作疆陸以疆爲假借字非也壇俗 圍通囿說文

卒 圉 圉 圉 所以拘擗人从卒从口 一曰圉 圉 也又口

部

圉 守之也从口吾聲 二字音義皆同故圉 圉 亦作圉

圉

垂一切經音義

廿五引作陲

昌敵彊應丁當也

應釋文云本或作膺詩

魯頌闕宮

戎狄

是膺傳膺當正義曰膺當釋詁文案說文

心部

膺當也

从心雁

俗作鷹

聲膺假借

此亦一訓兼兩義者陸氏

新義曰當一名而兩讀

淳肩搖動蠢迪倂厲作也

說文水部無淳字當作孛

說文

出部

孛 孛 也

孛 卽 木 孛 孛 之 兒

从卛人色也論語曰色孛

如也又作艷說文

色部

艷 色 艷 如 也 从 色 弗 聲 論 語 曰

色艷如也今論語作勃者通借字 迪當作袖

見錢前

少詹曰說文袖動也迪袖文異義同

茲斯咨些已此也 茲不从艸 錢少詹曰些與茲斯

咨已同訓此皆語絕之詞楚詞招魂些字卽些之異

文說文

口部

些苛也又

此部

詰竄也紫識也是許君以紫

爲楚些字卽爾雅些字也

嗟咨嗟也 說文

言部

嗟咨也一曰痛惜也从言嗟聲隸

變作嗟 嗟釋文云本或作𦉑字林云皆古嗟字案

二字皆不見於說文陸佃新義本雪牕書院校刊本

皆作𦉑當從之嗟𦉑之省𦉑𦉑之省

徐養原曰漢書
眭孟傳漢帝宜

誰筮天下求索賢人孟康曰誰問差擇也案誰差猶鬲谷差與鬻古蓋通用

嗟嗟皆从

差聲故同訓

閑狎串慣習也

說文

心部

患慕也从心上貫叩叩亦聲

非別有串字而患又从串聲也俗書省患爲串已失

其旨又與患判爲二文尤非矣一切經音義九又十七又十

八引舍人注曰串心之習也則舍人本作患可知矣

詩

大雅皇矣

串夷載路傳串習也釋文云一本作患又集

韻

三十諫

串源爾雅習也或作源 慣釋文云本又作

貫又作遺案說文

彳部

遺習也从彳貫聲又

手部

損習也

从手貫聲春秋傳曰損瀆鬼神今左傳作貫又案詩

齊風猗嗟射則貫兮箋貫習也正義曰貫習釋詁文左傳

正義二引亦作貫貫省文慣俗字諸本無作慣者

曩塵佇淹留久也佇釋文不出今依石經案說文人

部無佇字詩燕燕佇立以泣釋文从立正義文選注

一引爾雅亦作竚竚亦俗字也說文心部簋簋箸也从

心簋聲富云簋箸即峙嶠俗作峙嶠不前久之義

也箸古又通宁詩齊風俟我于著傳云門屏之間曰

著今爾雅釋宮作宁左傳襄卅取我衣冠而褚之一

切經音義叶引作貯呂覽成亦云我有衣冠而子產

貯之又鄭注周禮有褚藏字釋文曰褚本或作貯又

作褚元照案箸褚宁古今字貯亦俗字箸隸變作著
逮及暨與也 逮通隶說文三下隶及也从又从尾省又

持尾者从後及之也又通隸說文

隶部

隸及也从隶泉

聲詩曰隸夫之未陰雨

暨當作泉說文

隸部

泉眾詞

與也从隸自聲虞書曰泉咎繇今經典通以暨代音
近而義不同也唯漢書尚存舊文

隲假格陟躋登陞也

說文假假皆訓至故又同訓登

格假古今字

躋說文同詩

廊風

朝躋于西傳躋升

又

曹風

南山朝躋傳躋升正義曰躋升釋詁文案說

文自部無躋字偏旁相涉而誤

錢少詹曰陞當爲

升詩陟彼崔嵬君子攸躋傳皆訓升陞俗字元照案

詩大雅

昭假無贏箋假升也正義曰假升釋詁文又

商頌

湯孫奏假箋假升正義曰釋詁文尚書正義舜

毛詩正義

十九之三

引陟升也左傳正義

十八

引躋升也又

詩秦風

道阻且躋傳躋升也皆無作陞者華嚴經音

義入法界品

引登昇也一切經音義

廿五

引陟昇也昇亦俗

字

揮盞歇涸渴也

說文

水部

澆浚也从水鹿聲或从彖作

灑皿部無盞字郭注引月令毋澆陂池釋文不云或

作盞則郭本殆不作盞也類篇

十一

引作盞亦係譌

字 渴釋文云本或作竭石經作竭集韻屋一引亦作

竭案說文木部渴盡也从水曷聲立部之竭訓為負舉

今經典以竭代渴而以渴代飢漱字

拒拭刷清也 說文刷又搯手部二文皆訓拭然手部無

拭字是傳寫之譌案手部有拭字訓搯从手巾聲知

搯注拭字乃搯之譌搯搯二字互相為訓許書每如

此後人罕見搯字故誤作拭爾雅拭字亦當為搯

刷釋文云字又作刷案說文又部刷今課从又持巾

在尸下又刀部刷刮也从刀刷省聲禮布刷巾

鴻昏於顯閒代也

饑饌饋也 饋釋文云本或作餽案說文饑餉田也饌
餉饋也饋餉也則饋乃本字吳人謂祭曰餽从食从
鬼鬼亦聲與饋義異經典相承通用

遷運徙也 說文徙从彳止聲凡从彳之字隸變皆作

之獨徙字不然

徐養原曰從字
徙字亦此例

秉拱執也 正義曰拱通共詩商頌受小共大共箋共

執也元照案詩大雅克共明刑傳共執正義曰釋詁

文彼共作拱又韓奕虔其爾位傳共執也正義曰釋詁

文彼共作拱

廡熙興也 正義云鄭注樂記云興之言喜也歆也正

義引爾雅作歆喜興也元照案說文廢讀若歆凡許君所言讀若者皆通用字也熙喜字亦通故饕字或作餽

衛蹶假嘉也

錢少詹曰衛當作禕禕與嘉同訓美故

禕亦有嘉義正義曰衛通作偉莊子

大宗師

偉哉造物

向秀云偉美也淮南

精神

偉哉造化高誘注偉哉猶美

哉元照案衛禕偉皆从韋故通借正文當作徽

見前

正義云詩

周頌維天之命

假以溢我說文引作譏云譏嘉善

也假譏聲之轉

廢稅赦舍也

廢釋文云字亦作廢案說文

廣部

廢屋頓

也从广發聲又部癡固病也从广發聲二字義異此

當从广 正義云稅通說郭注引召伯所稅今作說

詩釋文云本或作稅元照案詩大雅女覆說之傳說

赦也 舍一切經音義五引作捨案說文手部捨釋也

从手舍聲又部舍市居曰舍从亼中象屋口象築也

則捨爲正文經典相承從省去手耳

棲遲憩休苦歛黷息也 說文十二上鬲身在巢上象

形或从木妻作棲石經作棲誤 遲籀文遲見說文

憩石經作憩釋文云本或作愒案詩大雅民勞汽可小愒

傳愒息正義曰愒息釋詁文說文心部愒息也从心曷

聲臣鉉等曰今別作憩非是又說文

尸部

眉臥息也从

尸自正文當用眉憩態皆俗字

俗又作憇

𠂔釋文云字

林以爲喟孫本作快又作噴案說文

口部

喟大息也从

心胃聲或从𠂔作噴說文無𠂔字蓋卽艸部之蔽

艸部

蔽艸也从艸𠂔聲

𠂔隸變作𠂔與噴通左傳屠𠂔禮

記作杜蕢此其例也孫本作快與噴聲相近

徐養原曰姚氏

文田云耳部聵或作聵知噴𠂔同字案古人多以𠂔

聵爲名者崩聵者蔽聲也蔽聵者噴聵也聵聵同字

噴蔽古通𠂔則說文所無自不必補 咽通壑詩

大雅假樂

民之攸壑傳壑

息也正義曰釋詁云咽息也某氏曰詩云民之攸壑則壑與咽古今字也 此亦一訓兼兩義者棲遲休

苦是止息眉喟黷咽是氣息

供峙共具也

峙俗字詩

周頌臣工

廝乃錢鏹傳廝具也正

義曰廝具釋詁文案說文

部廝

儲置屋下也从廝寺

聲又通峙詩

大雅崧高

以峙其粳

說文

部共

苙同也非此

義當作龔說文龔給也从共龍聲

正義云文選注

引郭舍人云共具物也倚具事也是舍人本峙作倚

說文倚待也儲倚也元照案鄭注攷工記引詩廝乃

錢鏹作倚又國語

周語中

倚而畚揭韋昭注倚具也

惓憐惠愛也

說文

部心

恣惠也从心先聲又

部夕

愛行兒

从夕恣聲二字義異經典相承以愛代恣

娠蠢震難妯騷感訛蹶動也 詩大雅思齊 大任有身傳身

重也箋云謂懷孕也元照案身與娠同重與動同

說文 足部 踞動也从足辰聲通借作震 詩小雅上苑柳 上帝

甚蹈傳蹈動也案蹈卽妯字妯蹈聲相近古从由从

百之字多通用詩左旋右抽說文引作搯可徵 徐養原曰

楚策上天甚精神 說文心部 怪動也从心蚤聲騷亦

蚤聲又訓擾故通用 說文口部 吡動也从口化聲言

部無訛字 詩小雅正月 天之扞我傳扞動也疑扞與蹶

通

覆察副審也

契滅殄絕也

契釋文云字又作挈廣韻

十六

引作契

案說文

部

契刻也从木从契挈皆通借字廣韻所

引是也又借用缺左傳

定九年

缺其軸

郡臻仍迺侯乃也

正義云郡通窘詩

小雅

又窘陰雨

箋窘仍也元照案漢書

叙傳

窘世薦亾師古亦訓仍

漢書乃字作迺案說文

乃部

迺驚聲也从乃省迺聲

或曰迺往也讀若仍許君言讀若者皆通用字迺與

仍通故漢書以代乃字迺隸變體

迪繇訓道也

迪說文同

繇當作繇

見前

又通猶詩

采芑克壯其猶傳猶道也

斯

無相猶矣傳猶道也正

義曰猶道釋詁文又小謀猶回通箋猶道又不我告

猶傳猶道也又哀哉爲猶傳猶道也又巧秩秩大猷

箋猷道也又弓角君子有徽猷箋猷道也又大雅爲猶

不遠傳猶道也正義曰猶道釋詁文彼猶作繇義同

也又抑遠猶辰告傳猶道也正義曰猶道釋詁文彼

猶作繇又周頌繼猶判渙傳猶道正義曰釋詁文禮

記禮器匪革其猶注猶道也正義曰猶道也釋詁文

鄭注周禮地官序引鄭司農云訓讀爲馴爾雅云訓

道也元照案据司農之注則司農讀雅爲馴說文馬

馴馬順也从馬𠃉聲訓馴皆从𠃉音義皆同又通循

說文

彳部

循行順也从彳盾聲

道釋文云如字或徒

報反非案此亦一訓兼兩義者不可謂徒報反之音
爲非又臯陶謨允迪厥德傳迪蹈正義曰釋詁文迪
道也聲借爲導導音與蹈同故迪又爲蹈也

僉咸胥皆也

僉咸說文同

育孟耆艾正伯長也

艾歷也歷秭算數也

算釋文云字又作筭一切經音

義

三

引作筭案算筭音義皆同

正義云算與撰選

義通繫辭雜物撰德釋文云撰鄭作算云數也詩

抑

舟不可選也傳訓數後漢書注

朱穆

傳引詩作算盤康

世選爾勞傳選數也。此一訓兼兩義者釋文云數色具反謝色主反。

歷傅也。正義云說文傅相也。歷訓爲傅猶下云歷相也。元照案邵說是也。郭以傅近訓之似未審上下文義。

艾歷覲胥相也。

覲釋文云字又作脈案說文

脈部覲衰

視也从辰从見籀文作脈

目部

脈目財視也从目辰聲

則覲脈音義同从囚無義脈必脈之譌

文選注十一

引爾雅曰脈相視也郭璞曰脈脈謂相視貌

廿九五十九所

引又嘗引胥相也疑李善所見本是艾歷胥相也脈

相視也 此一訓兼兩義釋文云相息羊反讀者或

息亮反今不用元照案不用息亮反則覩字不可解

父亂靖神弗湫治也 父釋文云字又作雙亦作刈案

說文辟部雙治也从辟父聲虞書曰有能俾雙又雙治

也从辟从井周書曰我之不彛是雙彛二文皆可用

又通忝說文心部忝懲也从心父聲其作父者雙之省

文刈者父之或體又通借作艾詩小雅或肅或艾傳

艾治也 亂與衡同說文受部衡治也么子相亂受治

之也讀若亂同一日理也又乙部亂治也从乙乙治之

也从衡 靖當作埜說文土部埜治也从土爭聲 正

義云詩

小雅節南山

維禹甸之傳甸治也周禮注

地官

曰

甸讀如維禹隳之之隳韓詩甸作隳古者甸隳聲同

陳又轉爲神其義同也

弗當作莠詩

大雅生民

莠厥豐

草傳莠治也正義曰莠治釋詁文又通撥詩

商頌長發

元

王桓撥傳撥治卽此文也蓋弗與祓通生民詩以弗

無子弗卽祓也古友發偏旁通借詩鱸鮪鱣說文

作鮒鮒此其徵也

澠通屈詩

魯頌泮水

屈此羣醜箋屈

治正義曰釋詁文彼屈作澠某氏引此詩是音義同

也 澠說文同郭注云澠書序作汨音同耳案說文

汨治水也从水日聲與汨羅字从冥省聲者別釋文

作汨从日音古没反非也

頤艾育養也 說文頤象文臣 正義云艾通又書

稷

萬邦作又鄭注又養也 育通鞠書

盤庫下

鞠人鄭注

鞠養也詩

小雅蓼莪

母兮鞠我傳鞠養也皆取此訓釋言

鞠生也詩序箋

衛風有狐

禮記注庸皆曰育生也又釋言

鞠稚也詩傳

邶風谷風

云育稚也正義曰育得兩訓故釋

言爲稚釋詁爲長又詩傳

幽風鳴鴉

云鬻稚也正義曰釋

言云鞠稚也郭璞曰鞠一作毓是鬻爲稚也案說文

部育養子使作善也从女夂聲虞書曰教育子或作

毓是鞠鬻皆通借字 正義曰育通鬻又省作粥夏

小正曰粥也者養也秋官修閭氏與其國粥注粥養也

沃渾隕墜也 沃釋文云姑大反顧徒蓋反字宜作沃

案說文有沃無沃顧音是也 墜當作隊

見前

際接彘捷也 正義云際通療詩小雅苑柳無自療焉箋療

接也 彘說文同

愆神溢慎也 書大誥天閔愆我成功所傳閔慎也正義

曰閔慎釋詁文詩魯頌閔宮閔宮有恤箋閔神也正義引

釋詁云閔與愆字異音同玉篇 引詩作祕宮說文

示祕神也又比部愆慎也又門部閔閉門也是祕愆正文

閱爲通借三字皆从必聲

鬱陶繇喜也

說文鬯部有鬱字乃鬱鬯之鬱从日从

口从缶从鬯从彡又林部有鬱字云木叢生者从林

鬱省聲二字音同義異經典鬱鬯字相承亦用林部

之鬱今此鬱陶字未知本是何體

說文口部啻喜也

从口啻聲又人部信喜也从人咎聲案繇與啻信搖猶

三字皆通用

馘穢獲也

馘釋文云本又作馘案說文耳部馘从耳或

聲或从首作馘 穢釋文云本或作齊依注字宜從

禾 正義云俘獲之獲收穫之穫俱通作獲元照案

此亦兼兩義而義最相近

阻艱難也

剡矧利也

釋文云矧詩本作略案說文

刀部剡刀劔刃

也从刀罍聲籀文从𠄎从各作矧古通借作略匡繆

正俗

六引爾雅作略

允任壬佞也

扌拚扌使也扌拚扌使從也 釋文云拚扌皆从手扌

字又作扌案說文手部無拚字當作扌說文

从扌相

從也从扌开聲 說文扌扌也非此義人部無扌字

詩

大雅桑柔

扌云不逮傳扌使也正義曰扌使釋詁文元

照案莽亦假借字也釋訓粵峯詩作莽蜂說文作𧈧
𧈧則此字亦當作𧈧

𧈧仍因也

釋文云𧈧樊孫作𧈧尚書正義

微子

引作𧈧

案說文人部無𧈧字

正義云𧈧通𧈧臯陶謨思日

贊贊襄哉馬融曰因也

釋文

段氏

玉裁

曰古襄𧈧通

史記

龜策

西襄大宛徐廣曰襄

一作𧈧

仍通扔說文

仍人

部

扔手

部皆訓因

周禮注引

春官司

董督正也

說文艸部無董字當从童作董

續漢書五行志一千

里草何青青乃董字也則此字後漢俗書已从重矣

督石經作督案督从日

者唐時俗體今已不行

享孝也珍享獻也 享獻說文同

縱縮亂也 縮說文同 亂乃治亂字非此義當作敵

說文支部敵煩也从支箇聲

探篡俘取也 正義曰俘又作捋說文云引取也易君

子以捋多益寡虞翻曰捋取也案亦作親釋文曰鄭荀董蜀才作捋云取

也邵引虞翻不知何据

徂在存也 說文退或作徂 正義曰徂通且詩鄭風出其

東門匪我思且箋云猶匪我思存也釋文云且音徂爾

雅云存也

在存省士察也 正義曰士通仕詩小雅節南山弗問弗仕

箋仕察也

烈栝餘也 正義云烈通烈廣雅留餘也元照案說文

巾部無烈字卽裂之別體說文

衣部

裂緝餘也从衣削

聲古字衣巾偏旁多通用烈假借字 栝釋文云本

或作栝又作不注作藥並同說文作櫨以栝不爲古

文藥爲或體云伐木之餘元照案一切經音義

四又十八

又廿一引作栝

又十二又十三

引作藥詩

商頌長發

苞有三藥傳

藥餘也疏不引爾雅失之疎矣栝乃譌字

訶迎也 訶釋文云本又作返案說文訶或作返 正

義云訶通御詩

召南鵲巢

百兩御之箋御迎也又通輅左

傳宣二

狂狡輅鄭人杜云輅迎也

元良首也

尚書正義

益稷

引作元首首也

薦摯臻也

正義云易水洊至釋文云京作臻干作荐

元照案說文

水部

瀟水至也从水薦聲讀若尊此與釋

言荐原再也皆當作瀟

正義云說文

女部

摯至也从

女執聲周書曰大命不摯讀若摯同一曰虞書雉摯
今尚書作大命不摯史記作不至

賡揚續也

說文

糸部

續古文从乘貝作賡則賡卽續字

也當作康詩

小雅大東

西有長康傳康續也正義曰康續

釋詁文

說文

勿部

易開也从日一勿一曰飛揚一曰

長也一曰彊者眾也長義似與續近

耐旒祖也 說文同

卽尼也尼定也 尼釋文云本亦作昵案說文

尸部尼從

後近之从尸匕聲又

日部

暱日近也从日匿聲春秋傳

曰私降暱燕或从尼作昵

邇幾暱近也 正義云邇省作爾鄭注儀禮禮記爾近

也案邇正文爾通借

見前

暱文選注

廿五又廿六又卅

一切

經音義

一又五又十又十一又十三又十八又廿一又廿二

引皆作昵

一切經音

義所引爾雅昵親近也是注非正文尚書正義

秦誓曰昵近釋詁文案昵

卽暱字

見上

安安坐也 說文無安字

貉縮綸也

貉嘆安定也

嘆釋文云本亦作莫案詩

大雅皇矣

求民之

莫傳莫定也正義曰莫定釋詁文又

板

民之莫矣傳

莫定也正義曰莫定釋詁文華嚴經音義

十品行

引爾

雅莫定也

正義云貉通作貊又通莫詩

皇矣

貊其德

音釋文云韓詩作莫云定也

華嚴經音義

佛不思議法品

引郭注爾雅漠謂靜定也是又有作漠者

伊維也伊維侯也

時寔是也

卒猷假輟已也 釋文云卒又作碎下同案此與下二

卒字皆當作碎省作卒耳 正義云假或作瑕詩大

思齊烈假不瑕箋瑕已也疏云瑕已釋詁文

殊酋在卒就終也 釋文云殊又作求就或作嘯又作

歿歿本又作終元照案自石經以後諸本皆作求就

終其步旁皆俗人所加嘯乃俗歛字 見說文亦不可用

徐養原曰說文糸部終絛絲也又絛急也絛求古蓋通用 說文 人部 僧終也从人

替聲僧亦讀囚與酋音近

崩薨無祿卒殂殒殪死也 崩說文作𡵓或从自作𡵓

無祿儀禮疏 喪服經傳引作不祿又 既夕云曲禮與爾雅

皆云大夫曰卒士曰不祿 殂釋文云本又作徂石

經作徂一切經音義

廿二

引徂落死也

五經文字且部徂往也爾雅又

爲徂落字

案殂正文徂通借皆有往義也

殂釋文云本

又作落石經作落案殂亦俗字諸本無作殂者

爾雅匡名卷一終